

Jablaničko jezero u potpunosti je nestalo, što je dovelo do ekološke katastrofe i nestanka cjelokupnog ribljeg fonda.

Uzrok je to što je Elektroprivreda BiH nenajavljeno ispuštala vodu na obližnjoj hidroelektrani.

Konjički ribari kažu da se ova katastrofa dešava posljednjih 40 dana.

U Organizaciji sportskih ribolovaca Konjic kažu da je u Jablaničkom jezeru boravilo dva miliona ribljih jedinki.

Sekretar ovog udruženja Mirsad Trešnjo rekao je Srni da je 900 hektara površine, na kojoj je bilo jezero, sada suvo i da je riječ o ekološkoj katastrofi.

“Nestalo je sve, riba i svi mikroorganizmi sa dna jezera. Procjene se mogu zasnovati na našim aktima i ribolovnoj osnovi i dokumentima koje su uradile naučno-istraživačke institucije, gdje je utvrđeno koliki je riblji fond, a to je oko dva miliona ribljih jedinica koje su boravile u ovom jezeru. Tu je deset vrsta riba”, naveo je Trešnjo.

On ističe da je riječ o neprocjenjivoj šteti po kompletnu floru i faunu.

izvor: glasssrpske.com

izvor: glasssrpske.com